

思明縣鄉土教科書

第二編



版權所有

民國九年正月初版

定價洋一角四分五折發售

著者李禧

發售處

競存學校
學生販賣部

編輯大意

一本書宗旨在激發兒童鄉土之思想兼啟牖其史地理科之學識
一本書程度期於國民三四年之用全書計四冊一三兩冊各三十二課二四兩冊各三十六課目六十餘字遞增至八十餘字每一小時教授一課每學期可授畢一冊

- 一本書表揚名人偉宦以作兒童楷範
- 一本書評論人情社會以冀改良風化
- 一本書羅列治化學術以資學者考鏡
- 一本書詳考沿革治亂以覘今古盛衰
- 一本書鋪張名勝特產以重鄉土價值
- 一本書備載工農商漁以倡振興實業
- 一本書另編參攷用書以便教師課授

思明縣鄉土教科書第二編目次

第一課	民族	人口	第十三課	風俗	(六)
第二課	民情	(一)	第十四課	風俗	(七)
第三課	民情	(二)	第十五課	風俗	(八)
第四課	民情	(三)	第十六課	語言	
第五課	民情	(四)	第十七課	職業	(一)
第六課	民情	(五)	第十八課	職業	(二)
第七課	民情	(六)	第十九課	職業	(三)
第八課	風俗	(一)	第二十課	職業	(四)
第九課	風俗	(二)	第二十一課	職業	(五)
第十課	風俗	(三)	第二十二課	職業	(六)
第十一課	風俗	(四)	第二十三課	教育	(一)
第十二課	風俗	(五)	第二十四課	教育	(二)

第廿五課	教育	〔三〕
第廿六課	教育	〔四〕
第廿七課	教育	〔五〕
第廿八課	教育	〔六〕
第廿九課	教育	〔七〕
第三十課	宗教	〔一〕
第三十一課	宗教	〔二〕
第三十二課	商務	〔一〕
第三十三課	商務	〔二〕
第三十四課	商務	〔三〕
第三十五課	金融	〔一〕
第三十六課	金融	〔二〕

思明縣鄉土教科書

第二編 歷史

第一課 民族 人口

思明居民 由泉漳各處遷入 明時屢遭兵燹
流離失所 數百年來生齒漸蕃 流寓日多 既
庶且富 一變無難至道 人口舊傳男六萬七千
餘 女九萬八千餘 據近最確調查 則男女總
數爲一十一萬四千云

第二課 民情一 制行

思明爲朱子過化地 有海濱鄒魯之稱 人篤倫
常 家明禮教 孝子悌弟 耆舊賢良 事跡多
堪傳誦 婦人貞烈自矢 大道通衢 輝煌華表
詢足爲里閭矜式 學者宜如何淑身善行 庶
不慚對古人哉

第三課 民情二 好義

義舉所在 人咸知奮 比年訴訟違法選舉 力
爭擅鬻公產 風聲所樹 社會生氣凜然 遇有
蹂躪國權者 尤能結集團體 爲適度之抵抗

壓之則彌伸 摧之則愈奮 持以恒心 勿貽鮮
終之誚 民氣斯可用矣

第四課 民情三 急公

紳富慷慨特多 如光復之捐助 年來之購債
以及儲金救國 集欸恤災 凡事關公益 無論
中西 苟得鉅紳提倡 往往輸將巨萬 教育實
業爲國家命脈 地方財源 設更及時提倡襄助
造福梓桑 誠不淺矣

第五課 民情三 謙退 保守

士子類能束身自好 不入公門 由於權利之心
淡 斯軋傾之風泯 然謙退過甚 遇事輒抱消
極主義 社會因而不能爲高步之進化 又改除
舊俗 賴有決心 篤於守舊者 乃專事保守
不尙維新何歟

第六課 民情四 詐僞 鬪很

居民虛僞相尙 爾詐我虞 士文其行 賈飾其
貨 至竟婦孺誑言 交遊寡信 夫信義不孚
盟誓何益 偶遭患難 安望救援 惡少不務正

業 結連黨羽 睚眦微釁 刀鋸互仇 擾亂治
安 嘗試法典 是爲社會之蠹

第七課 民情五 穢語 不潔

古人耻聞市井里巷之言 今人動以穢語相詈
夫人之雅俗 繫乎語言 學者亟宜自愛 衣食
居處 不求華美 當尙清潔 居民體不喜浴
衣裳垢膩 涕唾縱橫 途間便溺任意 門外塵
土如阜 衛生不講 能免死亡歟

第八課 風俗一 奢侈

思明風俗奢靡

服尚綺羅

形式怪誕不經

婦

女簪金珥玉

紳富宴集

一飯十金

一飲百金

馳情聲色

快意擣菹

地方財力

幾何而不

至貧且匱也

然爲地方絕大漏卮者

尤在男女

吸食紙烟

第九課

風俗二

婚嫁

喪葬

婚姻論財

士人不免

搢紳首重門戶

壻媳賢

否不甚注意

六禮奢華

舉債鬻產時有

最謬

者則爲匿喪迎娶

喪事置酒演劇

殯葬鼓樂喧

天 花亭彩幃 絡繹道周 親屬了無戚容 恍
若迎神矣

第十課 風俗三 厚葬 風水

劫墳起於厚葬 金珠入殮 適爲死者禍 乃人
多未喻 親死停棺不葬 遷延每召意外之災
甚而人事偶乖 咎及親墳 束骸入殯 山坳水
洑 不惜遷入 他人邱隴 明占暗圖 徒滋罪
戾 何補子孫 葬經誤人甚矣

第十一課 風俗四 迷信

迷信鬼神 靡費害少 居家招致尼巫 常來變
故 人病不求醫藥 妄冀神庇 必誤生命 至
延僧禮懺 云爲死者減罪 則以罪犯待親 不
孝孰甚 夫居喪作浮屠 非體也 乃僧優串劇
穢言無忌 敗風傷俗 不已甚乎

第十二課 風俗五 畜婢 養子

養媳之風漸泯 畜婢之習未除 不知彼亦人子
短衣縮食 早夜操勞 其苦已甚 至鞭笞任
意 販鬻隨人 尤不合人道 乏嗣宜繼宗親

養子既紊宗枝 鬻孩亦乖天性 夫血脈既別
名雖有子 庸足貴乎

第十三課 風俗六 賭博

居民多喜牧豬奴戲 設場聚賭 一注以百千計
勝者增其揮霍 負者蕩盡資財 上流社會
尤而效之 又雀鬪牌 自詡韵事 呼盧喝雉
相習成風 光陰浪擲 金錢虛耗 蓋賭之爲禍
烈矣 學者可不戒哉

第十四課 風俗七 淫戲 邪書

本埠劇本未改良 淫穢不經 足以敗壞風俗
比來學生串劇 輒能描寫惡社會 以促反省
然欲俾觀者知所興感 尙宜兼演中西英雄賢傑
事迹 說部功用與本劇同 不正之書 亟應禁
止 學生尤不當取閱

第十五課 風俗八 鬪卵 植樹 競渡

春時舊有鬪卵之戲 縷繪以工爲能 清明各祭
其先 掃墓掛紙 今改植樹節 居民知種樹者
尙少 端陽競渡 尙武精神寓焉 他如張燈猜

謎 藉綴韶光 烟火風箏 有關學理 舊俗善
者以此而已 餘所當革除矣

第十六課 語言

思明方言 僅通閩南各屬 偶遇他省人 則不
能自達 安望可以聯絡感情 交換智識 國家
方謀統一語言 頒布注音字母 肄習國語顧可
緩耶 又口岸居民 易與外人接近 外國語言
尤當兼習之也

第十七課 職業一 士類

舊俗驚科名 士乏實學 興學以還 人知學戰
當亟 措資赴海內外肄習法律師範路礦工商醫
電各科者 歲不乏人 年來士類嶄露頭角 惟
尙當精求遠到耳 近陳嘉庚欲在思明設立大學
士子幸勿自外裁成

第十八課 職業二 商人

思明爲商埠 商人最握勢力 然乏商業常識
除華僑習與外人接 稍知商場趨勢 能運心力
自張商幟 自餘慣爲洋商作販耳 雖能歲賺